



Erik Jensen
Siumut sinnerlugu Inatsisartunut ilaasortaq

29-08-2025
Suliap normua: 2025 - 391
All. normua. 22954854

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

§ 37 naapertorlugu apeqqummut nr. 2025-138-mut akissut

Inatsisartut Suleriaasianni § 37, imm. 1 naapertorlugu aktiaateqarluni ingerlatseqatigiiffiit pisortanit pigineqartut pillugit, tamatumani Greenland Airports aamma Mlittarfeqarfiit A/S ilanngullugit, Naalakkersuisunut tullinnguuttuni saqqummiunneqartunik apeqquteqarputit.

Apeqqutigineqartut tullinnguuttuni akineqarput.

Apeqqut 1. Qaqugu pisortat pigisaannik aktiaateqarfiusuni ataatsimeersuartitsinernik ingerlatsinissaq Naalakkersuisut naatsorsuutigaat?

Akissut: Naalakkersuisooqatigiit nutaat sulilermata nalunaarutigineqarpoq, ukioq manna ataatsimeersuartitsinerit allatut pissasut; ingerlatseqatigiiffiit pillugit inatsit naapertorlugu nalinginnaasumik ataatsimeersuartitsisoqariarluni ukiap ingerlanerani Naalakkersuisunit peqataatitsilluni ingerlatseqatigiiffiit tamarmik immikkut ittumik ataatsimeersuartassapput. Naalakkersuisut Siulittaasuata Naalakkersuisoqarfia immikkut ittumik ataatsimeersuartitsinerit pilersaarusiuleruttorpai naatsorsuutigine qarporlu aggustip naanerani septemberillu ingerlanerani pissasut.


Apeqqut 2. Ataatsimeersuartitsinerni sammisat suut Naalakkersuisut qaqinniarpaat – assersuutigalugu aqutsinermut, ingerlatsinermut siunissamilu ineriartornernut tunngatillugu apeqqutit, tassunga ilanngullugit;

- a. Siulersuisunut aqutsisunullu sunniuteqartussat oqaluuserineqarniarnersut,
- b. Naalakkersuisut piginnittutut ingerlaqqinnissamut tunngatillugu suut annertusisatut piumasaqaatigissaneraat,
- c. Qaortumi Ilulissanilu mittarfiit assingusunik nalaataqannginnissaat pillugu Naalakkersuisut qanoq qulakkeerinninniarnersut?

Akissut: Qulaani apeqqutit ataatsimoortumik akissuteqarfigalugit ilisimatitsissutigisinnaavara, ingerlatseqatigiiffiup ileqqoreqqusai ingerlatseqatigiiffiillu pillugit inatsit naapertorlugit Naalakkersuisut Greenland Airportsimi, Mittarfeqarfiit A/S-imi immikkut ittumik ataatsimeersuartitsinissamut qaaqqusinissamut siunertaqartut, tassanilu massakkut pisut sammineqarumaarlutik. Qulequttat suut ataatsimeersuartitsinermi qaqinneqassasut sulii Naalakkersuisunit suliarineqanngilaq, taamaattorli Greenland Airportsimi, Mittarfeqarfiit A/S-imi immikkut ittumik ataatsimeersuartitsinermi avammut saqqummiussisoqarumaarpoq.

Immikkut ittumik ataatsimeersuartitsineq eqqaanngikkaluarlugu Naalakkersuisut saneqqunneqarsinnaanngitsumik piumasaqaatigaat, Greenland Airportsimi, Mittarfeqarfiit A/S-imi aqutsisut Nuummi unammilligassat ilikkagaqarfigalugit Qaqortumi Ilulissanilu mittarfiit ajunnginnerpaamik pinissaannik qulakkeerinnissasut.

Inussiarnersumik inuulluaqqusillunga



Jens Frederik Nielsen
Naalakkersuisut Siulittaasuat